



KIPP Academy Boston Charter School

Pulítika y Prusidimentu di Matríkula

Konselhu di Administradoris Vota pa kuriji: 16/2/2023
Aprovadu pa Gabinete di Skóla Charter (Skóla Independenti): 24/2/2023

KABCS ka ta diskrimina ku base na rasa, kor, orijen nasional, krensa ôr elijion, seksu, identidate di jénero, etnia, orientason seksual, defisiência mental ô físiku, idadi, disidénsia, dezenpenho atlético, nisissidade spesial, profisiência na língua inglêš ô nun língua stranjêru ô susésu akadémiku anterior. M.G.L. c. 71, § 89(m) y 603 CMR 1.05(2)

Informason en rilason ku disponibilidade de iduksason spesial y apoiu pa Alunus di Inglêš sta disponível na website di skóla, na manual di alunus di skóla y na material de divulgason di skóla. Tudú kandidatus ta notifikadu pur skritu sobri direitus di alunus ku txeu nisisidadis di aprendizaji na frikuenta KABCS y pa resebe sirvisus di akomodason y apoiu, inkluidu alunus ki pode ten difisiência, ki meste idukason spesial, ô ki é Alunus di Inglêš. 603 CMR 1.05(4).

KABC ta dizenvolvi y ta implimenta tudú anu un planu di seleson y ritenson di alunú. Kes planus li sta disponível na relatóriu anual di risponsabilidadi di KABCS, disponível na <https://kipppma.org/public-information/>. M.G.L. c. 71, § 89(f) and 603 CMR 1.05(1).

KABCS sta organizadu pa sirbi alunus di Jardin ti 8º Anu. KAKCS ta seta kandidaturas di Jardin ti 8º Anu y nu ta matrikula novus alunus ti 2/15 na kada letivu.

KRITÉRIUS DI ILIJIBILIDADI PA MATRÍKULA

Rizidénsia di Massachusetts

Tudú kandidatus debe ser morador di Massachusetts pa kandidata pa matríkula y pa frikuenta KABCS. M.G.L. c. 71, § 89(ff). É nisisáriu un prova di rizidénsia adikuadu óki mandadu un oferta di aseitason. 603 CMR 1.05(10)(a).

Prova adikuadu di rizidénsia ta inklui, más ka sta limitadu só, siginti dokumentus:

- Fatura di sirvisu (ka águ nen tilifoni) ku data di último 60 dia
- Un skritura, ô pagamentu di ipoteka ku data di último 60 dia
- Un kontratu di arendamentu atual, akordu di Sekson 8, ô un diklarason di rizidénsia
- Un folha di pagamentu ku data di último 60 dia
- Un stratu bankáriu ô di karton di kréditu ku data di último 60 dia
- Un karta di ajénsia di governu aprovalu* ku data di último 60 dia

***Ajénsias di governu aprovalu:** Dipartamentu di Asisténsia Tranzitóriu(DTA), Dipartamentu de Riseita (DOR), Sirvisu di Kriansa y Familia (DCF), Sirvisu Juvenil (DYS), Siguransa Susial, kualker kumunikason sobri Papel Tinbradu di Commonwealth di Massachusetts.

Kandidatus ki sta na situason di dizalojamentu sta ilijivel pa kandidata pa frikuenta KABCS. Ku objetivu pa diterminna priferénsia pa adimison baziadu na rizidénsia, KABCS ta trabadja ku alunus y famílias kazu pa kazu pa ditermina dukumentu di rizidénsia adikuadu. Priferénsia de rizidénsia é stabelesidu óki fazedu oferta di matríkula- kandidatus ki sta na situason di dizalojamentu debe mora dentu di distritu na mumentu ki fazedu kel oferta di matríkula pa resebe es prioridadi.

Rikizitu di Idadi

Un futuru alunu debe faze 5 anu na ô antis di 1 di Setenbru di anu di matríkula pa frikuenta KABCS, 603 CMR 1.05(12). Na mumentu ki oferese un adimison, un sertifikadu di idadi adikuadu. KABCS kata isiji tudu alunus pa da un sertifikadu di idadi adikuadu. Sertifikadu adikuadu ta inklui dukumentus tipu sertidon di nasimentu, rijistu skolar antirior, rijistu médiku ô un diklarason di un médiku di família.

Anu Skolar di Kandidatu

Pa kandidatus ki sta atualmenti matrikuladu na un skóla (públiku/privadu/fora di stadu): Kandidatu debe sta na kel anu antis di kel ki el sa kandidata pa-el pa prósimu anu letivu. Isepson é si kel skóla antirior di kandidatu rukumenda pa kandidatu matríkula na un anu diferenti di kel anu antirior ki kandidatu sta kré kandidata pa prósimu anu letivu. Dipôs di un oferta di admison fazedu y setadu, pode rializadu un avaliason di diagnóstiku. Obejtivu di avaliason di diagnóstiku é pa ditermina nisisidadi di alunu ki sta entra, kuza ki pode rizulta na kolokason na un anu skolar diferenti di kel ki es kandidata pa-el. Rizultadu di es avaliason di diagnóstiku ka ta ten inpaktu na stadu di matríkula di alunu ki sta entra

Pa kandidatus ki sta kandidata pa jardin:

- Si kandidatu sta atualmenti matríkuladu na jardin (públiku/privadu/fora di stadu): es debe kandidata pa priméra klasi a non ser ki kel skóla antirior rukumenda pa kandidatu matrikuladu na un nível diferenti ô si kandidatu ka tirmina jardin (sima diterminadu pa skóla antirior).
- Si kandidatu ka sta atualmenti matríkuladu na skóla: Kandidatu debe kandidata pa anu skolar apurpriadu pa se idadi. Pa kandidatus ki sta kandidata pa jardin:
 - Kandidatus debe faze sinku anu na ô antis 1 di Setenbru di anu di matríkula y;
 - Kandidatus debe teni ménus di séti anu na ô antis 31 di Agostu di anu di matríkula
 - Kandidatus ki tene séti anu dipôs di 31 di Agostu ka sta ilijivel pa jardin-es ten ki kandidata pa un nível más altu. Kandidatus ki ka konpleta priméra klasi debe kandidata pa priméra klasi.

Ka Obrigatóriu

KABCS ka ta uza insentivu finanséru pa rikruta alunus. 603 CMR 1.05(3)(a).

KABCS ka ta rializa testi pa pusível kandidatus ô afirma matrikula na rizultadus di kualker testi di abilidadi ô konkista. 603 CMR 1.05(3)(a).

KABCS ka ta iziji pusível alunus ô ses famílias pa frikuenta intrivista ô runion informativu komu kondison di kandidatura ô matríkula. 603 CMR 1.05(3)(a). Dipôs ki fazedu oferta di admison, KABCS ta iziji famílias pa konpleta papelada di matríkula y, óki skóla kumesa, frikuenta skóla komu kondison di matríkula.

PRUSÉSU DI KANDIDATURA KOMUN

KABCS ta uza Kandidatura di Skólas Charter di Boston, ki ta inklui prusésu di kandidatura ku txeu otus Skólas Charter na rijion di Commonwealth di Boston. Kandidatura pa admison é prinsipalmente disponibilizadu online

através di website SchoolMint. Famílias y alunas ki sta interesadu ta pode asesá kandidatura online na <https://bostoncharterschools.schoolmint.net/signin> ô na un ligason pa kandidatura na website di KABCS ô na website di otus skólas ki ta faze parti. Kandidatus ilijivel ta pode skodji KABCS y/ô txeu otus di Commonwealth Charter Schools pa undi ki es ta manda ses kandidatura pa admision. Nes mumentu li, prusésu di kandidatura di KABCS ka sta integradu ku kel di Skólas Públiku di Boston.

Kandidatura pa admision ta bai sta disponível na kópias fíziku na skritórius prinsipal di KABCS lokalizadu na 37 Babson Street, Mattapan, MA y na otus lugar públiku di rijion. Kandidatura fíziku debe inviadu ô intregadu na mó via USPS pa KBCS ô na kualker Skóla partisipanti di Boston Commonwealth Charter School. Kandidaturas na papel debe resebedu ti prazu di kandidatura-kandidaturas inviadu antis di prazu, más ki ka resebedu ti data limiti ka ta konsideradu pa lotaria.

PRUSÉSU DI MATRÍKULA

Prusésu di Kandidatura y Matríkula Prinsipal

KABCS ka ta stabalesi ninhun prazu di kandidatura prinsipal ô el ka ta rializa ninhun lotaria di matríkula pa admision di alunu pa prósimu anu letivu ti dipôs di 1 di Janéru y el ta konklui se prusésu di matríkula prinsipal más tardar ti 15 di Marsu kada anu, 603 CMR 1.05(3)(c).

KABCS ta fazi un avizu adikuadu, ku pelu ménus un mês, di tudu prazu di kandidatura, 603 CMR 1.05(5). Na kazu undi ki vaga sta más poku ki kandidatus, alunas ta setadu pa admision di akordu ku prusésu di lotaria diskrevedu di baxu, 603 CMR 1.05(6)(a).

KABCS ka ta seta kandidaturas atrazadu. Na kazu di KABCS tirmina se lista di spera y el meste di konduzi un prósimu siklu di kandidatura, pusível kandidatus debe kandidata antis di prazu di kel kandidatura pa es pode konsideradu pa matríkula.

Ripitison di Prusésu di Kandidatura y di Matríkula

Si prusésu di matríkula prinsipal ka prinxi tudu vaga di admision, KABCS pode ripiti prusésu konformi nisisidadi. Ta dadu un avizu públiku adikuadu, ku pelu ménus un mês, di tudu prazu di kandidatura. Sima vaga ta ba ta parsi duranti anu letivu, KABCS pode ripiti prusésu di matríkula pa prinxi es vagas y kunpri rikizitu di M.G.L. c. 70, § 89(n). Ninhun alunu ki sta entra na prusésu di matríkula ka ta adimitidu priméru ki otus alunu iligivel ki staba kolokadu antis na lista di spera duranti prusésu di matríkula, isetu na kazu óki prifirénsia di matríkula muda ô sima diskrevedu na 603 CMR 1.05(10)(b). Númeru total di alunas ki sta frikuenta skólas charter na un anu letivu ka pode pasa númeru total di alunas kumunikadu pa Dipartamentu di Insunu Primáriu y Sikundáriu di Massachusetts na privamera antirior. 603 CMR 1.08(5).

REVELA INFORMASON DI ALUNU PA TIRSERUS

KABCS ka ta divulga informason di alunu a non ser ki é pimitidu pa lei.

Sima izijidu pa lei, KABCS ta da nomi y inderésu di alunus pa Skólas Públiku di Boston, Dipartamentu di Idukason Primáriu y Sikundáriu, kualker otu skólas y sistema di skólas undi ki alunu staba matrikuladu antis, kualker dipartamentu governamental, fornecedoris di saúdi ô di sirvisu susial ô otus skritóriu ki ses atividadi sta diretamenti rilasionadu ku programa ô sirvisu ki alunu sta dadu na skóla charter.

Tanbê, sima izijidu pa lei (G.L. c. 71, § 89(g) y (n)0, KABCS ta oferese nomi y inderésu pa inpreza di kurreiu tirseru ku objetivu di invia kurreiu, a non ser ki pais pidi ki skóla rizerva informason di kriansa.

Inda, KABCS pode oferese tudu informason di pasta pimitidu (inkluindu nomi y inderésu) sima 603 CMR 23.07(4)(a) pa tirseru, a non ser ki pais pidi skóla rizerva informason di kriansa. Pais/famílias ki kré pidi pa informason di pasta di ses fidju pa fika rizervadu pode sinaliza ses pididu inkuantu es sa konpleta prusésu di kandidatura ô na kontakta skóla.

PRUSÉSU DI LOTARIA

Di akordu ku 603 CMR 1.05(10)(c), antis di kualker prusésu di matríkula, KABCS ta ditermina númeru di vagas dispunível na kada nível skolar. Na kazu undi ki vaga tem más puku ki kandidatus, alunus ta setadu pa adimison di akordu ku prusésu di lotaria, 603 CMR 1.05 (6)(a) and (c). Ta dadu un avizu públiku adikuadu - pelu ménus dipôs di un simana antis di kada lotaria di matríkula. 603 CMR 1.05(9). Kada lotaria ta konduzidu na públiku, pode ser na lugar ô via Zoom (di akordu ku kel ki statutu ta iziji).

Lotaria ta skodjedu ku un sistema iletróniku klasifikadu di forma aliatóriu. Tudu kandidatus ta resebe un númeru di lotaria kriadu di forma aliatóriu. Ta aplikadu priferénsia di adimison, ô pa irmon ô pa rizidenti. Un parti neutru ta sertifika ma prusésu ta ser justu y ma seleson ta ser aliatóriu di akordu ku 603 CMR 1.05(9).

Priferénsia pa Irmon

Na lotaria, irmon di alunus matrikuladu ki sta frikuenta KABCS na mumentu ki oferta di admison fazedu ta dadu priferénsia en rilason a otus kandidatus ki ka teni irmon na admison. 603 CMR 1.05(6)(b). Irmons é alunus ki ten mésmu pais, ô biológiku ô legal através di adoson. 603 CMR 1,02

- Preferénsia pa Irmon ta aplika pa kandidatus ki ka é rizidenti -irmon di alunus matrikuladu. Kandidatus irmon k'e ka rizidenti ta dadu priferénsia in rilason a kes kandidatus non rizidenti.
- Priferénsia di irmon ka ta aplika pa alunus formadu ô ex-alunus. Pa resebe priferénsia di irmon, un irmon di kandidatu debe sta matrikuladu óki fazedu un oferta di admison y nau óki ki inviadu kandidatura. Kanidatus pode ten preferénsia di irmon na mumentu di kandidatura, más si irmon finda ô sai di KIPP antis di fazedu oferta di adikuadu, preferénsia ta tradu di kandidatura y kandidatu ta podu na lugar sertu na lista di spera.
- Inda, un kandidatu pode ganha statu di irmon na dia ki se irmon komesa frikuenta skóla.

Priferénsia di Rizidénsia

Na lotaria, moradoris di Sidadi di Boston, distritu sirbidu pa KABCS ta dadu priferénsia pa admison en rilason a alunus ki ka moradoris. É nisisiáriu un prova di rizidénsia atual adikuadu óki mandadu un oferta di aseitason, M.G.L. c. 71 § 89(m); 603 CMR 1.05(6)(b). Djobi di riba más informason sobri prova di rizidénsia atual adikuadu.

Na kazu undi ki matríkula di alunu, ki ka é irmon di otu alunu ki sta atualmenti matrikuladu, di lista di spera ta pasa limiti di propina distritu di charter, alunu ta ignoradu más el ta mantedu na lista di spera. Na kazu undi ki matríkula di un alunu ki é irmon di un alunu ki sta atualmentu ta firkuenta skóla charter ki ta pasal limiti di propina di skóla charter, kel irmon podi matrikuladu y Commonwealth di Massachusetts ta oferese propiana pa kel irmon, dipendendu di apropiason, M.G.L. c. 71 §89(i); 603 CMR 1.05(10)(b).

Lista di Spera

Nomi di alunus ka silisionadu na un lotaria di matríkula ta podu na un lista di spera pa orden ki es foi silisionadu. 603 CMR 1.05(10). Óki sa setadu alunus ki ka sta na lista di spera, KABCS ta leba en konsiderason priferénsia di rizidénsia y di irmon atual, sima sta na mumentu ki fazedu un oferta di admison. Komu ta aplikadu priferénsia di rizidénsia y di irmon na mumentu ki fazedu un oferta di admison, es pode muda ku tenpu, kuza ki pode faze un alunu subi ô dixi na orden di lotaria.

- Kazu fazedu un oferta di admison ku un priferénsia di rizidénsia y di irmon eradu ô dizatualizadu, kandidatu ta podu otu bes na lista di spera di akordu ku se priferénsia atualizadu.
- Priferénsia ta djobedu na mumentu ki sta fazedu un oferta di admison. Kandidatus debe atualiza skóla kada bes ki ses informason en rilason a ses kandidatura sta muda. Si un kandidatu ka atualiza skóla sobri mudansa di priferénsia, un oferta di admison pode anuladu si priferénsia ka pode ser konprovadu ô ka sta sertu.

Inkaregadás debe atualiza KABCS óki ses infomason di kontaktu muda. Si non, KABCS ka ta ten komu kontakta família kazu ses kandidatu setadu di lista di spera.

KABCS ta manti rijistu kuretu di se lista di spera. Informason pa alunus ki entra na lotaria más ka ganha admison debe inklui, más ka sta limitadu a, nomis (priméru ,meíu, último); data di nasimentu; sidadi ô vila di moradia: nivel skolar, inderésu di kaza y númeru di tilifoni. M.G.L. c. 71, § 89(f) and 603 CMR 10.05(1).

Si un alunu para di frikuenta skóla charter ô ka seta admison, kel prósimu alunu dispunivel na lista di kel anu skolar, na leba en konsiderason stadu di priferénsia atual pa admison ta oferese du admison ti ki vaga sta prinxidu, M.G.L. c. 71, § 89(n).

Ninhun alunu ka ta adimitidu priméru ki otus alunu iligivel ki staba kolokadu antis na lista di spera duranti prusésu di matríkula, isetu na kazu óki priferénsia di matríkula muda ô sima diskrevedu na 603 CMR 1.05(10)(b).

KABCS ta manti lista di spera só pa anu letivu ki alunu kandidata. KABCS ta manti rijistu kuretu di se lista di spera ki ten nomi di alunu (priméru ,meíu, último); data di nasimentu; sidadi ô vila di moradia: nivel skolar pa alunu ki entra na lotaria más ka ganha admison, 603 CMR 1.05(10)(a).

Lotaria y Matríkula

Alunus y famílias ka ta izijidu pa sisti lotaria. Sisti lotaria ka ta afeta rizultadu di lotaria ô di matríkula.

Si bu disidi sisti lotaria y bu oferese un lugar pa lotaria pa prósimu anu letivu, KABCS ta, komu konviniénsia, konvida-bu pa konpleta papelada di matríkula na mésmu noti di lotaria. KABCS ta invia kurreiu, pa kurreiu di priméru klasi, un formuláriu di "intenson di matríkula" pa tudu alunus ki ka konpleta papelada di matríkula na mésmu noti di lotaria. Formuláriu di intenson di matríkula ta inviadu pa kurreiu pa inderésu ki sta na kandidatura di alunu, ô pa un inderésu atualizadu, si dadu un kuandu inviadu kandidatura.

Antis di 1 di junhu, alunus ta ten (10) dia util a partir di data inisial di oferta di admision, ô pa seta ô pa ka seta oferta. Antis di 1 di junhu, kandidatus ta ten (3) dia util a partir di data di oferta pa risponde oferta di admision, ô pa seta ô pa ka seta oferta. Si KABCS ka konsigi kontakta kandidatu pa tilifoni ô email, si dés ô trêz dia util pasa (dipendendu si for antis ô dipôs di 1 di junhu), desdi ki un oferta inisial inviadu, KABCS ta asumi ma kandidatu ka seta oferta di admision y kandidatu ten ki kandidata otu bes pa frikuenta KABCS na prósimu siklu di matríkula.

Tudu alunus adimitidu na lotaria pa prósimu anu letivu debe konpleta papelada di matríkula dipôs ki es seta un oferta di admision.

Alunus debe kumesa ta frikuenta skóla, di akordu ku pulítika di frikuénsia di skóla, dentu di dés (10) dia di ses data di kumesu antisipadu, pur izénplu, priméru dia di skóla. Fadja na prizensa ta rizulta na rikuza di oferta di admision di alunu y alunu ta dismatrikuladu di skóla. Alunu debe kandidata otu bes na un siklu di kandidatura na futuro si el kré konsideradu otu bes pa matríkula.

Kazu disponibilizadu vaga adisional dipôs di priméru ronda di oferta, alunus ki sta na lista di spera ta informadu di un oferta di admision pa tilifoni y email pa númeru di tilifoni y email ki sta na kandidatura di alunu.

Rejeta un Oferta di Admision

Un kandidatu pode ka seta un oferta di admision verbalmenti, di forma iletróniku ô pur skritu na ka risponde na prazu di dia speradu. Óki un kandidatu ka seta un oferta di admision, kandidatu ten ki kandidata otu bes pa frikuenta KABCS na prósimu siklu di matríkula. Kandidatus ki ka seta ses vaga ka pode adisiunadu otus bes na lista di spera.

Atualiza informason di kontaktu

Si informason pa kontaktu na kandidatura di alunu muda na kualker mumentu dipôs di kandidatura inviadu, alunu y família é risponsável pa kontakta KABCS pa atualiza ses infurmason di kontaktu. Si un alunu ka pode ser kontaktadu pamodi informason dizatualizadu, ilijivel ô ka dretu, ta pasadu pa prósimu alunu na lista di spera.

Informason di Kandidatura Kuretu

Alunus y famílias é risponsável pa oferese KABCSS ku informason dretu. Si KABCS da konta ma dadu informason eradu sobri priferénsia di rizidénsia ô di irmon, KABCS pode anula un oferta di admison, mésmu si alunu dja kumesa bai pa KABCS. Kada kandidatu é risponsável pa oferese KABCS ku informason di kontaktu sertu y konpletu, inkluindu atualizason di kes informason kazu muda. Si ka dadu informason di kontaktu ilijivel, konpletu y sertu - kela podi kauza ilijibilidadi di kandidatu pa matríkula.

Vagas y Prinxi Lugar

Di akordu ku M.G.L. c. 71, § 89, óki un alunu sai di KABCS pa kualker rason, KABCS ta tonda prinxi kes vaga na JARDIN ti 8º ANU ti 15 di Fevereru.

Vagas ki ka prenxedu dipôs di 15 di fevereru di kada anu letivu ta pasa pa prósimu klasi, pa prinxidu na prósimu mês di sitenbru. Vagas pa alunu ki seta un oferta di admison na KABCS, más nunca ka parsi, sta livri di disposison, 603 CMR 1.05(10)(c).